

ՀՀ ՍԱՀՄԱՆԱԴՐԱԿԱՆ ԴԱՏԱՐԱՆԻ ԴԱՏԱԿԱՆ ԿԱԶՄԻ

ՈՐՈՇՈՒՄԸ

ԱՆՀԱՏԱԿԱՆ ԴԻՍՈՒՄԸ ՔՆՆՈՒԹՅԱՆ ԸՆԴՈՒՆԵԼՈՒ ՀԱՐՑԻ ՎԵՐԱԲԵՐՅԱԼ

քաղ. երեւան

16 նոյեմբերի 2009թ.

Հայաստանի Հանրապետության սահմանադրական դատարանի դատական կազմը

Նախագահությամբ՝ Վ. Պողոսյան

Անդամներ՝ Կ. Բալայան

Վ. Հովհաննիսյան

Քննության առնելով ՀՀ քաղաքացիներ Արամ Սարգսյանի եւ Կարապետ Ռուբինյանի՝ 2009թ. նոյեմբերի 9-ին ՀՀ սահմանադրական դատարան մուտքագրված դիմումը՝ քննության ընդունելու հարցը

Պ Ա Ր Զ Ե Ց

• Քաղաքացիներ Ա. Սարգսյանը եւ Կ. Ռուբինյանը դիմել են ՀՀ սահմանադրական դատարան՝ վիճարկելով ՀՀ քրեական դատավարության օրենսգրքի 290 հոդվածի 1-ին եւ 5-րդ մասերի համապատասխանությունը ՀՀ Սահմանադրությանը: Դիմողները գտնում են, որ ՀՀ քրեական դատավարության օրենսգրքի 290 հոդվածի 1-ին մասը՝ տառացի եւ լեզալ մեկնաբանությամբ, անձանց դատական պաշտպանություն ստանալու համար նախապայման է սահմանում, այն է՝ սպառել արտադատական կարգով պաշտպանության միջոցները, ընդ որում՝ ստանալ մերժում եւ դրանից հետո հնարավորություն ստանալ դիմելու դատական պաշտպանության: Այլ կերպ ասած՝ սահմանադրաիրավական վեճի առարկա դրույթը թույլ չի տալիս անձանց, ում իրավունքներն ու օրինական շահերը խախտվել են պաշտոնատար անձի որոշումների կամ գործողությունների պատճառով, ուղղակիորեն հայցել դատական պաշտպանություն: Դիմողները պնդում են, որ ՀՀ քրեական դատավարության օրենսգրքի 290 հոդվածի 5-րդ մասը՝ «վարույթն իրականացնող մարմնի պարտականության» դրույթի պատճառով, թույլ չի տալիս

ապահովել անձի խախտված իրավունքների լիարժեք ու անբողջական վերականգնումը:

- Ղիմողները ՀՀ սահմանադրական դատարան են ղիմել 09.11.2009թ: Վերջնական դատական ակտերը՝ ՀՀ վճռաբեկ դատարանի որոշումները վճռաբեկ բողոքները վերադարձնելու մասին, կայացվել են 2009թ. մայիսի 27-ին (ղիմող Արամ Սարգսյանի նկատմամբ) եւ 2009թ. հուլիսի 3-ին (ղիմող Կարապետ Ռուբինյանի նկատմամբ):

- Առկա է միջնորդություն պետական տուրքից ազատելու վերաբերյալ: Ելնելով ղիմումի եւ կից փաստաթղթերի ուսումնասիրությունից՝ գտնում ենք, որ ղիմումը պետք է ընդունել քննության, քանի որ.

- ղիմումում առաջադրված հարցերը ենթակա են ՀՀ սահմանադրական դատարանին,

- ղիմողներն իրավասու են ղիմել ՀՀ սահմանադրական դատարան,

- ղիմումում առաջադրված հարցի վերաբերյալ առկա չէ ՀՀ սահմանադրական դատարանի որոշում,

- ղիմումի առարկայի վերաբերյալ ՀՀ սահմանադրական դատարանում գործի դատաքննություն չի իրականացվում,

- ղիմողները սպառել են դատական պաշտպանության բոլոր միջոցները:

Ղեկավարվելով «Սահմանադրական դատարանի մասին» ՀՀ օրենքի 27 հոդվածի 3-րդ մասով, 39 հոդվածով, 69-րդ հոդվածի 1-ին, 3-րդ եւ 6-րդ մասերով, «Պետական տուրքի մասին» ՀՀ օրենքի 31 հոդվածի «գ» կետով՝ ՀՀ սահմանադրական դատարանի դատական կազմը

Ո Ր Ո Շ Ե Ց

1. ՀՀ քրեական դատավարության օրենսգրքի 290 հոդվածի 1-ին եւ 5-րդ մասերի ՀՀ Սահմանադրությանը համապատասխանության վերաբերյալ Ա. Սարգսյանի եւ Կ. Ռուբինյանի ղիմումն ընդունել քննության:

2. Պետական տուրքից ազատելու վերաբերյալ ղիմողների միջնորդությունը բավարարել:

3. Որպես պատասխանող կողմ ներգրավել ՀՀ Ազգային ժողովը:

4. Նկատի ունենալով, որ ՀՀ քրեական դատավարության օրենսգրքի 290 հոդվածի 1-ին մասի ՀՀ Սահմանադրությանը համապատասխանության վերաբերյալ գործը գտնվում է ՀՀ սահմանադրական դատարանի վարույթում, առաջարկում ենք

«Սահմանադրական դատարանի մասին» ՀՀ օրենքի 39 հոդվածի համաձայն՝ այս գործերը միավորել եւ քննել մեկ վարույթում:

5. «Սահմանադրական դատարանի մասին» ՀՀ օրենքի 69-րդ հոդվածի 6-րդ մասի համաձայն՝ դատական կազմի սույն որոշումն ընդունվել է ՀՀ սահմանադրական դատարանի անունից:

Նախագահող՝

Վ. ՊՈՂՈՍՅԱՆ

Անդամներ՝

Վ. ԲԱԼԱՅԱՆ



Վ. ՀՈՎՀԱՆՆԻՍՅԱՆ

16 նոյեմբերի 2009 թ.